

Nsenga - Cipulumusho Malembo - Salvation Scriptures

Aifeso 2:2 Pa nsita yala mwenzokonkha njila iyipa ya mu calo, mwenzomvwila olamulila viwanda va mululu, vulamulila wantru assamvwila Mulungu.

Mateyo 6:10 Ufumu wanu uwele. Kupangwa kwanu kucitiwe pano pansi ngani Kululu.

Luka 22:42 Elawila kuti, "Atata keno mupangwa, munifumyilepo nthumo ya manzunzo awa. Koma mucite mwamupangwila mwewo osati mwanupangwila newo yayi."

Yohane 16:7-9 Koma mphela nukuwuzyani, kuti ni ciweme kopula kwa mwewo kuti nifumepo. Pakuti keno nufumapolini, Nkhoswe yala iwelelini kwanu. Koma keno nukuya, nikayitumizye kwanu. 8 Nipo yeve akayofwika, azeawasimikizye wantru wa pano pansi kuti ni woyifya pa vokucimwa, pa volungama, nipo soti pa vopingula. 9 Ni woyifya pa vocimwa, cikomo ocetekelalini mwa newo.

2 Timoteyo 2:10 Tetyo nenzopilila vonse cikomo ca wantru wa Mulungu wecikalula, kuti nawo apulumushiwe na Kristu Yesu, nopokela ulemelelo wosasila.

ARoma 15:20,21 Nsiku zonse nenzoyezya kuwilizya Malizu Aweme ku malo kwala kweka kwenze kukaliyomvwika zina ya Kristu. Nenzopangwalini kumanga pa maziko weciyika munthu muyakine. 21 Pala Malembo olawila kuti, "Wala aliyouzuysiwe va yeve akawone, na wala akaliyokumvwa akazindikile."

Machitilo 2:36,37 "Tetyo, wantru zonse nenzoyezya kuwilizya Malizu Aweme, ngani weve wala. Koma weve aliyophindule nawo malizu owilizyiwa, pakuti eyingokumvwa koma osawacetekela.

AHebeli 4:2 Pakuti sewo tewamvwa Malizu Aweme, ngani weve wala. Koma weve aliyophindule nawo malizu owilizyiwa, pakuti eyingokumvwa koma osawacetekela.

Yelemiya 24:7 - Mateyo 22:37 Yesu elawila kuti, "Uwotemwa Leza Mulungu wako, na mtima wako wonse, na moyo wako wonse na nzelu zako zonse.

Machitilo 16:14 Pakati pawo penze mwanakazi muyakine, zina yake Lidiya. Enze wa ku mzinda wa Tiyatila, nipo nchito yake yenze yositisha nyula zisweta. Enze munthu wolomba Mulungu, nipo Asikulu evula mtima wake kuti amvwishishe venzolaŵila Paulo.

Mateyo 13:14-16 Nipo mwa weve vinelo va Mneneli Yesaya vukwanilishika vakuti: 'Mukokumvwa koma osamvwishisha, nipo mukololesha koma osawona. 15 Cendi mtima wa wantru wa mtundu uyu wafunala, wasinkha matu wawo, nipo wavalu meno wawo, Kuyopa kuti angawone na meno wawo, nipo angamvwe na matu wawo, angamvwishe na mtima wawo, Noyaluka mwa newo kuti niwapozye.' 16 "Koma ni woshukishiwa meno wanu owona na matu wanu akumvwa.

Yesaya 6:9,10 - Machitilo 28:27 Cendi mtima wa wānthu wā mtundu uyu wafunala, akumvwalini na matu wāwo, nipo wāvala meno wāwo. Kuyopa kuti angawone na meno wāwo, nipo angamvwe na matu wāwo, angamvwishe na mtima wāwo, noyaluka mwa newo kuti niwāpozye.”

Maliko - Mako 4:11,12 Yesu ewāyasuka kuti, “Mwewo mwepewa cisinsi ca Ufumu wa Mulungu, koma ayakine ali kunja akumvwa vonse mu malinganizyo tyala, 12 kuti tetyo, ‘Kulolesha angaloleshe cendi, koma osaona kanthu; na kuti kumvwa angamvwe, koma osamvwisha kanthu. Kutि akatetyo, angayaluke mitima, nipo Mulungu angawalekelele.’”

Yohane 12:39,40 Motetyo, wēve aliyocetekele, pakuti soti Yesaya elāwila kuti, 40 “Mulungu efifya meno wāwo, nipo ekosesa mitima yawo, kuti meno wāwo asawone, nzelu zawo zisamvwishe, kuti angayaluke mtima, nipo newo niwāpozye.”

ARoma 11:7,8 Tyani lomba? Aisilayeli ekangiwa kufwana cenzosakila. Wecisalula niye ecifwana, koma wonse wosala eyuma, 8 ngani Malembo olāwila kuti, “Mulungu ewāpa mtima osamvwisha, nipo mpaka lelo yamene waŵavalala meno kuti asalolesha noŵavalala matu kuti asamvwe.”

2 ATesolonika 2:10,11 Mwa njila iliyonse otalizya wenyē wānthu wātiakacenekeke cikomo cokana kutemwa vyendi vingawapulumushe. 11 Ni cikomo cake Mulungu akatumizye mphamvu zōwasokoneza, kuti acetekelē va wenyē.

Mateyo 13:18-23 “Mvwani lomba tanthauzo ya linganizyo ya womwazyā mbuto: 19 Aliyense akamvwa malizu wā Ufumu koma osaŵāmvwishisha, Muyipa wala akuzanofumyapo vokomolewa mu mtima mwāwo. Ivi niye vomwaziwa mu mseu. 20 Nipo vomwaziwa pa myala ni wala akumvwa malizu nosangalala ngako pamene apo, 21 koma aliye mizyū mwa yeve, oyingonkhala patontho. Nipo matamano na manzunzo akaza cikomo ca malizu, munthu wala otaya cicetekelo. 22 Mbuto zenzoponela pa minga, aŵā ni wala akumvwa Malizu, koma otangwanishiwa na va pa calo, kutemwa cuma noluŵako Malizu wala, tetyo osatwala vitwalo. 23 Mbuto zomwaziwa pa lito iweme ni wala akumvwa malizu noŵāmvwishisha. Otwala vitwalo, makumi kumi (100), payakine makumi asanu na imo (60) payakine makumi atatu (30).”

2 AKolinto 3:15,16 Ni cendi, mpaka lelo nsita zonse akatatika kuŵelenga Matetulo wā Mose, cokingiliza cala, cucingiliza mphela mitima yawo. 16 Koma munthu akayalukila kwa Asikulu, cokingiliza cala cufumyiwapo.

Hoseya 11:3-7 - Mateyo 11:28-30 “Welani kwa newo, mwewo ovupa na wolefuka, nipo nikupeni mpumulo. 29 Takulani goli yangu, nipo sambililani kwa newo, pakuti nine wolezya na wolefuya, nipo mufwane mpumulo wa mizimu yanu. 30 Pakuti goli yangu ni yosatamanisha, nipo katundu wangu ni wopepuka.”

Machitilo 26:18 Nukutuma kuti wānthu aŵā uwāvule meno, kuti ayaluke kufuma ku mfinzi ya macimo noloŵā mu kuŵala, nipo kufuma mu mphamvu ya Satana nokonkha Mulungu. Nupangwa kuti acetekelē newo, kuti macimo wāwo alekelelewe, nipo nawo apokele mashukisho pamo na wānthu wēcisalula Mulungu kuti aŵē wāke-wāke.”

2 Timoteyo 2:24-26 Nipo muzya wa Asikulu osati akokuŵā wokangana na wānthu,

koma akokuŵa wa lusungu kwa wonse, wotwesha kusambizya, munthu oziŵa kukoselela mu matamano. 25 Aŵe wolicefy a polangiza osushana naye na cilolelo cakuti Mulungu aŵape kuyaluka mtima kuti aziŵe vyendi. 26 Pamene apo nzelu zawo zizewebolemo, nipo azeapulumuke mu ukuka wa Satana, ewakata kuti akocita vopangwa vake.

Cokundululiwa 3:17-19 Pakuti mwewo mukuti, ‘Nine wolemela, nipo paliye cunisôwa.’ Muziŵalini kuti nimwe wotamana, ocitisha lusungu, anchete, mphofu na ŵa cinthaku? 18 Nukulangizani kuti musite kwa newo golide wowamyishiwa na mulilo, kuti mulemele. Musite soti vovwala vituŵa, kuti muzivwalike mufise cinthaku comvwisha nsoni. Nipo kuti musite mankhwala oyika mu meno kuti mulole. 19 Ŵala wanutemwa, nuŵacimula noŵalangiza. Tetyo, ikankoni nzelu, myaluke mtima.

2 AKolinto 7:10 Pala citinthi cofumila kwa Mulungu cuyalusha munthu noleta cipulumusho, nipo citinthi cake cusila pamene apo. Koma kumvwa citinthi ngani mwakucitila wantru ayakine omekela va pansi pano, vuleta imfwa.

1 Mfumu 18:37 - Mulungu turn heart back to Mulungu.

2 AKolinto 4:4 Ŵeve ocetekelalini, cikomo cakuti Satana, wamene niye mulungu wa calo ca pansi, ewavala meno kuyopa kuti angawone kuŵala kwa Malizu Aweme. Kuŵala kwala kuwonesha ulemelelo wa Kristu, nipo mwa yeve Mulungu mwine owonekela.

Luka 8:11-15 “Thanthauzo ya linganizyo iyi, ni iyi: Mbuto zala ni Malizu ŵa Mulungu. 12 Mbuto zoponela mu njila zala zutanthauza wantru akumvwa Malizu ŵa Mulungu. Koma Satana owela, nofumya malizu ŵala mu mitima mwawo, kuyopa kuti angaceteketele nopulumuka. 13 Mbuto zoponela pa mwala ni zala zutanthauza wantru akumvwa Malizu ŵa Mulungu, noŵapokela na cimwemwe. Lomba pakuti aliye mizyu yozama, oyingocetekela pa nsita itontho tyala, mwakuti pa nsita yoyesewa, oleka kucetekela. 14 Mbuto zoponela pa minga zala zutanthauza wantru akumvwa Malizu ŵa Mulungu, koma pa vuli pake nkhawa, cuma, nipo votemwesha va moyo uno vuŵalekesha, nipo votwala vavo vutang’alini. 15 Koma mbuto ziponela pa nthaka iweme zala zutanthauza wantru akumvwa Malizu ŵa Mulungu, noŵasunga mu mtima wa vyendi na uweme, nipo okoselela notwala votwala.”

Machitilo 15:11 Yayi, tucetekela kuti copulumusha Ŵeve, na sewo pamo, ni cisomo ca Asikulu Yesu.”

ARoma 8:13 Pakuti keno mukuŵa mwaupangwila unkhalo uyipa, mukafwe. Koma keno na Mzimu Mtuŵa mupaya vokumbwila va muŵili, mukaŵe na moyo.